



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vita Francisci Borgiae Tertij Societatis Iesv Generalis**

**Ribadeneyra, Pedro de**

**Mogvntiae, 1603**

IX. Orationis, & Pœnitentiæ in imperio studium.

**urn:nbn:de:hbz:466:1-45256**

*Orationis, & Pœnitentiæ in imperio studium.*

**N**Ec Cæsaris solum curanda negotia, remq; publicâ tractandam Marchio censuit; salutis suæ maiorem rationem ipse duxit: ratus, quod res est, breui mortales occidere: tolli plerosq; in medio cursu, falsos inani spe: nihil nos hinc efferre: vnam virtutem comitem esse. Animum itaque, cuius ea propria est, potissimum excolendum; quod à fanere superfit. In mentem interdum reuocabat susceptum melioris vitæ consiliū, ne, vt fit, obliuione, vel desidia languesceret. Dicere & illud solitus: mortem Augustæ, vitam sibi attulisse. Fixum itaq; illud manebat, sæculi pompis nuncium aliquando remittendum, quam-

quamuis ea res sermonem plerisque; datura esset : & quale tandem cumque aliorum de se iudicium foret, minime laborandum. His quasi alte iactis solidæ virtutis fundamentis, quæ in vulgi rumore, gloriaque contemnenda sita sunt, precationi quotidie, & rerum cælestium meditationi, successiuas aliquot horas dandas putauit. Hanc vnam rerū prudenter, feliciterque gerendarum anchoram, optimorum consiliorum basim appellabat. Sacramentorum item usum frequentandum duxit, Pœnitentiæ, & Eucharistiæ; quæ naufragij tabulas colligentibus nauem compingant, & antea vitæ errata expiando restarent. Cum itaque ex commēdati sibi tituli Crucis officio, recitare in dies statis horis orationes

64 DE VITA FRAN. BORG.

Dominicas, salutationesq; Angelicas teneretur; ad horas Canonicas septem, meditationes totidem salubres adiunxit passionis Christi: quibus illum a monte Oliuarum, ad Caluariam vsque, hinc cum Spiritum Patri commendasset, ad sepulcrum, officij gratia comitabatur. Vt

*Prou. 24* autem *septies in die cadere iustum,* mortalium sapientissimum iudicasse: sic parentem illius, re-

*Psal. 118,* gium Prophetam, *septies in die laudem dicere solitum,* medias inter regni occupationes, didicerat. B. Virgini preces quotidie rite adnumerabat, mysteria animo versans: ex quibus triplex capi emolumentum aiebat. Primum, immortales Deo pro tantisq; donis gratias agi: pudore deinde nos affici, quod ea adhuc contempserimus; deniq; ad eas

ad eas ipsas virtutes. quæ hic eminent, incitari. Harum meditationum vsu, ad Pietatis maius in dies studium extimulabatur, maiora animo agitans. DEI itaque attributa, ineffabilem potentiam, qua condidit vniuersa; inscrutabilem sapientiam, qua gubernat omnia; bonitatem inexhaustam, qua pascit cuncta, ac vegetat, meditari: & misericordiam, atque iustitiam, Gloriam denique æternæ beatitudinis, pulchritudinemque contemplari. Quo, tanquam mari magno inuectus, altum tenebat, extraque se admirabundus rapiebatur. Hinc fiebat, vt lacrymæ vberim fluerent, diceretque identidem illud: *Domine, quis silice, aut rupe, immo adamante durius cor meum mollire potuit, nisi tu mi-*

Matth. 3.  
 Ezech. 11.

misericordiarum DEVS, qui de petra  
 fontes aquarum eduxisti? Qui potes  
 ex hisce lapidibus, Abrahæ filios ex-  
 citare: cor denique saxeam, reddere  
 carneum. Sic diluculo, quinas  
 sæpe horas flexis genibus oran-  
 do transigebat: diei reliquum  
 publicis negotijs impendens,  
 ne suo ipse muneri defuisse vi-  
 deretur. Ludis sæpe inuitus ad-  
 erat, & spectaculis, aliud tamen  
 agens; ut quid gestum esset in-  
 terrogatus, nihil referre aut  
 posset, aut vellet. Hæc quidem  
 de Oratione admiranda: nunc  
 de Abstinencia, & Pœnitencia.  
 Cenis sibi perpetuo interdixit.  
 Prandio ita parcè victitabat, ut  
 herbis, & leguminibus coctis  
 tantum vteretur: pane solum, &  
 frigida contentus. Laetitias, &  
 eduliorum fercula respuebat.  
 Pii ipse sermonibus conuiuas,  
 pro-

## LIBER PRIMVS. 67

prolixè etiam nobiles viros, de more, accipiebat. Principum enim virorum vocationes, quibus illac in mediam Hispaniam iter esset, omittere honoris gratia non potuit. Hac abstinentia factum, ut cum obeso admodum corpore, ventreque esset, breui laxæ nimis tunicæ essent, duplicarique indumenta possent. Par austeritas in vigiliis, & cilicio, quibus carnem domabat: flagellis item, & sui contemptu, atque victoria; quam Plato, vel urbium expugnatione maiorem esse, dicebat. Reprehendet fortasse non nemo, nimiam in Principe viro austeritatem: at non abhorret à vero. DEO ita visum, atq; impetu adeo vehementi, vas illud electum edolare voluisse, expiandis prioris vitæ peccatis.

*Lib. I. de  
Legib.  
initio.*

CA-